

বন-গীতি

ভারতের অন্যতম শ্রেষ্ঠ সঙ্গীত কলা-বিদ

আমার গানের ওস্তাদ

জমীরউদ্দিন খান সাহেবের

দস্ত মোবারকে—

তুমি বাদশাহ গানের তখত নশীন,  
সুর-লায়লীর দীওয়ানা মজনু প্রেম-রঙিন।  
কণ্ঠে তোমার স্রোতস্বতীর উছল—গীতি,  
বিহগ-কাকলি, গঙ্গবর্ষ-লোকের স্মৃতি।  
সাগরে জোয়ার সম তব তান শান্ত উদার,  
হৃদয়ের বেলাভূমে নিশিদিন ধ্বনি শুনি তার।  
খেলায় তোমার সুরগুলি পোষা পাখির মতো  
মুক্ত-পক্ষ চঞ্চল-গতি লীলা-রত।  
বীণার বেদনা বেণুর আকুতি তোমার সুরে,  
ব্যথা-হত ভোলে ব্যথা তার, সুখী ব্যথায় ঝুরে।  
সুর-শা'জাদির প্রেমিক পাগল হে গুণী তুমি,  
মোর 'বন-গীতি' নজরানা দিয়া দস্ত চুমি।

কলিকাতা  
১লা আশ্বিন  
১৩৩৯

নজরুল ইসলাম

ভালোবাসার ছলে আমায়  
তোমার নামে গান গাওয়ালে ।  
চাঁদের মতন সুন্দর থেকে  
সাগরে মোর দোল খাওয়ালে ॥

কাননে মোর ফুল ফুটিয়ে  
উড়ে গেলে গানের পাখি,  
যুগে যুগে আমায় তুমি  
এমনি করে পথ চাওয়ালে ॥

আঁকি তোমার কতই ছবি,  
তোমায় কতই নামে ডাকি,  
পালিয়ে বেড়াও, তাই তো তোমায়  
রেখার সুরে ধরে রাখি ।

মানসী মোর ! কোথায় কবে  
আমার ঘরের বধু হবে,  
লোক হতে গো লোকান্তরে  
সেই আশে তরী বাওয়ালে ॥

কে নিবি ফুল কে নিবি ফুল ।  
টপ্পর যুঁষি বেলা মালতী  
চাঁপা গোলাব বকুল ।  
নার্গিস ইরানি গুল ॥

আমার যৌবন-বাগানে  
 হাওয়া লেগেছে ফুল জাগানে,  
 চলে যেতে ঢলে পড়ি,  
 খুলে পড়ে এলো ঢুল ॥

তনু মন আকুল, আঁখি ঢুলু ঢুল ॥

ফুটেছে এত ফুল, ফুল-মালী কই,  
 গাঁথিবে মালা কবে, সেই আশে রই,  
 সে মালা দিব কারে, ভেবে সারা হই,  
 সহিতে পারি না এ ফুল-ঝামেলা  
 চামেলা পারুল ॥

৩

কানাড়া মিশ্র—কাওয়ালি

পেয়ে আমি হারিয়েছি গো  
 আমার বুকের হারামণি ।  
 গানের প্রদীপ জ্বলে তারেই  
 খুঁজে ফিরি দিন-রজনী ॥

সে ছিল গো মধ্যমণি  
 আমার মনের মণি-মালায়,  
 রেখেছিলাম লুকিয়ে তায়  
 মানিক যেমন রাখে ফণী ॥

সিদ্ধ জ্যোতি নিয়ে সে মোর  
 এসেছিল দগ্ধ বুক,  
 অসীম আঁধার হাতড়ে ফিরি  
 খুঁজি তারি রূপ লাভনী ॥

হারিয়ে যে ময়ন হয় কেন সে  
 যায় হারিয়ে চিরতরে,  
 মিলন-বেলাভূমে বাজ  
 বিরহেরই রোদন-ধ্বনি ॥

৪

কাজরী-কাফা

সখি বাঁধো লো বাঁধো লো ঝুলনিয়া ।  
নামিল মেথলা মোর বাদরিয়া ॥  
চল কদম্ব তমাল তলে গাহি কাজরিয়া  
চল লো গোয়ী শ্যামলিয়া ॥

বাদল-পরিরা নাচে গগন-আউনিয়,  
ঝমাঝম বৃষ্টি-নূপুর পার্য  
শোনো ঝমাঝম বৃষ্টি নূপুর পায় ।  
এ হিয়া মেঘ হেরিয়া ওঠে মাতিয়া ॥

মেঘ-বেণীতে বেঁধে বিজুলী-জরিন ফিতা  
গাহিব দুলে দুলে শাওন-গীতি কবিতা,  
শুনিব রঁধুর বঁশি বন-হরিণী চকিতা,  
দয়িত-বুকে হব বাদল-রাতে দয়িতা ।  
পর মেঘ-নীল শাড়ি ধনী-রঙের চুনরিয়া,  
কাজলে মাজি লহ আঁখিয়া ॥

৫

কাফি-ঝাপতাল

যায় ঢুলে ঢুলে এলোঢুলে  
কে বিষাদিনী ।  
তার চোখে চেয়ে ম্লান হয়ে  
যায় গো চাঁদিনী ॥

তার সোনার অঙ্গ অনাদরে  
হেসেছে কালি,  
হায় ধুলায় লুটায় নবীন যৌবন  
ফুলের ডালি,  
কোন মন্দির আঁখির খেয়েছে তীর  
বন-হরিণী ॥

তার চটুল চরণ নাচত যেন  
 নোটন-কপোতী,  
 মরুর বুকে ফুল ফোটার  
 তার দোদুল গতি,  
 আজ ধীরে সে যায় যেন শীতের  
 মৃদুল তফিনী ॥

৬

পিলু-দাদরা

যমুনা-সিনানে চলে  
 তন্দ্রী মরাল-গামিনী।  
 লুটায় লুটায় পড়ে  
 পায়ে বকুল কামিনী ॥  
 মধু বায়ে অঞ্চল  
 দোলে অতি চঞ্চল,  
 কালো কেশে আলো মেখে  
 খেলিছে মেঘ দামিনী ॥

তাহারি পরশ চাহি  
 তটিনী চলেছে বাহি,  
 তনুর তীর্থে তারি  
 আসে দিবা ও যামিনী ॥

৭

গ্রাম্য সঙ্গীত

নদীর নাম সহি অঞ্জন  
 নাচে তীরে স্বপ্ননা,  
 পাখি সে নয় নাচে কালো আঁখি।

আমি যাব না আর অঞ্জনাতে  
 জল নিতে সখি লো,  
 ঐ আঁখি কিছু রাখিবো না কলি ॥  
 সেদিন তুলতে গেলাম  
 দুপুর বেলা  
 কলমি শাক ঢোলা ঢোলা  
 হল না আর সখি লো শাক তেলা  
 আমার মনে পড়িল সখি,  
 ঢলঢল তার চটুল আঁখি,  
 ব্যথায় ভরে উঠলো বুকের তলা ।

ঘরে ফেরার পথে দেখি,  
 নীল শালুক সুঁদি ওকি ফুটে আছে  
 ঝিলের গহীন জলে ।  
 আমার অমনি পড়িল মনে  
 সেই ডাগর আঁখি লো,  
 ঝিলের জলে চোখের জলে  
 হলো মাখামাখি ॥

৮

গজল-গান

আলগা কর গো খোঁপার বাঁধন  
 দীল্ গুঁহি মেরা ফঁস্ গয়ি ।  
 বিনোদ বেণীর জরিন ফিতায়  
 আঙ্কা এশক্ মেরা কস্ গয়ি ॥

তোমার কেশের গঞ্জে কখন  
 লুকায়ে আসিল লোভী আমার মন  
 বেহুশ হো কর্ গির পড়ি হাথমে  
 বাজু বন্দমে বস্ গয়ি ॥

কানের দুলে প্রাণ রাখিলে বিধিয়া  
 আঁখ ফেরা দিয়া চোরা কর্ নিদিয়া,  
 দেহের দেউরিতে বেড়াইয়া আসিয়া ।  
 আউর নেই উয়ো ওয়াপস্ গয়ি ॥

### বাউল-লোফা

পথ-ভোলা কোন রাখাল ছেলে ।  
 সে একলা বাটে শূন্য মাঠে  
 খেলে বেড়ায় বাঁশি ফেলে ॥

কভু সাঁঝ গগনে উদাস মনে  
 চাহিয়া হেরে গো কারে,  
 হেরে তারার উদয়, কভু চেয়ে রয়  
 সুদূর বন-কিনারে ।  
 হেরে সাঁঝের পাখি ফিরে গো যখন  
 নীড়ের পানে পাখা মেলে ॥

তার ধেনু ফিরে যায় গ্রামের পানে  
 আনমনে সে বসিয়া থাকে,  
 ঐ সঙ্ক্যাতারার দীপ যে জ্বালায়  
 সে যেন কোথায় দেখছে তাকে ।

তার নূপুর লুটায় পথের ধুলায়  
 সে ফিরে নাহি চায় কাহারে খোঁজে,  
 দূর চাঁদের ভেলায় মেঘ-পরি যায়  
 সে যেন তাহার ইশারা বোঝে ।

সে চির-উদাসী পথে ফেরে হয়  
 সক্রল সুখে আগুন জ্বলে ॥



১০

পিলু-বারোয়া—আস্কা কাওয়ালি

কোকিল, সাধিলি কি বাদ।

নিশি অবসান হল

না মিটিতে সাধা॥

মিলনের মোহ কেন,

ডাকিয়া ভাঙিলি হেন,

তুই রে সতিনী যেন

চন্দ্রাবলীর ফাঁদ॥

সারা নিশি অভিমানে

চাহিনি শ্যামের পানে,

জেগে দেখি কুহু-তানে—

নাই শ্যাম চাঁদ॥

ননদিনী কুটিলি কি

পাঠায়েছে তোরে পাখি,

নুয়ের রসেরে ডাকি

আনিলি বিষাদ॥

১১

গজল

পিলু খান্সাজ মিশ্র—দাদরা

পানসে জোছনাতে কে

ডেউ এর তালে তালে

মেঘের ফাঁকে ফোটে

উজান বেয়ে চল তুমি কি

চল গো পানসী বেয়ে।

বাঁশিতে গজল গেয়ে॥

বাঁকা শশীর চিকন হাসি,

তার চোখে চেয়ে॥

ও-পারে লুকায়ে আঁধার

আকাশে হেলান দিয়ে

গভীর ঘন বন-ছায়,

আলসে পাহাড় ঘুমায়।

ঘুমায়ে দূরে সে কোন গ্রাম	বাসরে পল্লি-বধূর প্রায় ;
ও-পারে ধু ধু বালুচর	যেন নদীর আঁচল লুটায় !
ছাড়ি এ সুখ-বাস	চলেছ কোথায় গো নেয়ে ॥

  

নদীর দুতীরে টানে	বেতস-লতা উত্তরীয়,
চমকি উঠি চখী	ডাকে মুহু মুহু 'কিও !'
চকোরী চাঁদে ভুলি	চাহে তব মুখ পানে,
কৈদে পাপিয়া শুধায়,	'পিউ কাঁহা, কাঁহা পিও !'
তুমি যাও আপন-বিভোল	স্বপনে নয়ন ছেয়ে ॥

১২

মাড়-কার্ফা

ঝলমল জরিন বেগী  
 দুলায়ে প্রিয়া কি এলে ।  
 সজল শাওন-মেঘে  
 কাজল নয়ন মেলে ॥  
 কেয়া ফুলের পরিমল  
 বুঝে মরে তোমার পথে,  
 হেরি দীঘল তব তনু  
 তাল পিয়াল তরু পড়ে হেলে ॥  
 পরিবে বলিয়া খোঁপায়  
 ঘুরিছে বকুল চাঁপা,  
 তোমারে খুঁজিছে আকাশ  
 চাঁদের প্রদীপ জ্বলে ॥  
 তোমারি লাবণী প্রিয়া  
 ঝরিছে শ্যামল মেঘে,  
 ফুটালে ফুল মরুভূমে  
 চঞ্চল চরণ ফেলে ॥

১৩

গজল

জংলা—কার্ফ

কোন বন হতে  
যেন আননে

করেছ চুরি  
বেধেছ বাসা

হরিণ-আঁখি (গো ঐ)  
কানন-পাখি (ভীক) ॥

চুরি করা ঐ  
নীল সাগর বলে,

নয়ন কি তাই  
'ডাগর ও চোখ

ভয় এত চোখে।  
আমারি নাকি' ॥

চিরকালের  
(তুমি) দু ধারী

বিজয়িনী ও  
তলোয়ার রেখেছ

উজল নয়নে,  
জহর মাখি ॥

পুড়িল মদন  
সে গেছে তোমার

তোমারি ঐ  
ঐ চোখে তার

চোখের দাহে,  
ফুল-বাণ রাখি ॥

১৪

গজল

ভৈরবী মিশ্র—কার্ফ

নিশীথ হয়ে আসে ভোর

বিদায় দেহ প্রিয় মোর।

রজনীগন্ধার বনে হের

গুঞ্জরিছে ভ্রমর ॥

হের ঐ তন্দ্রা-চুল চুল

জড়িয়ে হাতে এলো চুল,

বধু যায় সিন্দূর-মাটে

পথে লুটায় বসন আকুল ॥

খোল খোল বাহুর মালা,

মোছ মোছ প্রিয়া আঁখি।

শোন কুঞ্জ-দ্বারে তব কুহ

মুহ মুহু ওঠে ডাকি ॥

হের লো, শিয়রে তব  
 প্রদীপ হয়ে এল ম্লান,  
 দাঁড়াল রাঙা উষা ঐ  
 রঙের সাগরে করি স্নান  
 আকাশ-অলিন্দে কাঁদে  
 পাণ্ডুর-কপোল শশী,  
 শুকতারা নিবু-নিবু ঐ  
 মলয়া ওঠে উছসি  
 কাঁদে রাতের আঁধার  
 মোর বুকে মুখ রাখি ॥

## ১৫

পিলু-খাম্বাজ—কাফ্রী

কেমনে কহি প্রিয়  
 কি ব্যথা প্রাণে বাজে ।  
 কহিতে গিয়ে কেন  
 ফিরিয়া আসি লাজে ॥

শরমে মরমে মরে  
 গেল বন-ফুল ঝরে  
 ভীক মোর ভালবাসা  
 শুকাল মনের মাঝে ।

আগুন লুকায়ে বুকে  
 জ্বলিয়া মরি যে দুখে,  
 ভুলিয়া রয়েছ সুখে,  
 তুমি ত আপন কাঁজে ।

আজিকে ঝরার আগে  
 নিলাজ অনুরাগে  
 ধরিতে যে সাধ জাগে  
 হৃদয়ে হৃদয়-রাজে ॥

১৬

স্বদেশী গান

নমঃ নমঃ নমো	বাঙলা দেশ মম
চির-মনোরম	চির-মধুর।
বুকে নিরবধি	বহে শত নদী
চরণে জলধির	বাজে নৃপূর॥
শিয়রে গিরি-রাজ	হিমালয় প্রহরী
আশিস-মেঘবারি	সদা তার পড়েঝরি,
যেন উমার চেয়ে	এ আদরিণী মেয়ে,
ওড়ে আকাশ ছেয়ে	মেঘ চিকুর॥
গ্রীষ্মে নাচে বামা	কাল-বোশেখী ঝড়ে,
সহসা বরষাতে	কাঁদ্রিয়া ভেঙে-পড়ে,
শরতে হেসে চলে	শেফালিকা-তলে
গাহিয়া আগমনী-	গীতি বিধুর॥
হরিত অঞ্চল	হেমন্তে দুলায়ে
ফেরে সে মাঠে মাঠে	শিশির-ভেজা পায়ে,
শীতের অলস বেলা	পাতা ঝরার খেলা
ফাগুনে পরে	সাজ ফুল-বধূর॥
এই দেশের মাটি	জল ও ফুলে ফলে,
যে রস যে সুখা	নাহি ভূমণ্ডলে,
এই মায়ের বুকে	হেসে খেলে সুখে
ঘুমাব এই বুকে	স্বপ্নাতুর॥

১৭

গারা মিশ-দাদরা

প্রিয়	যাই যাই বলো না,
	না না না।
আর	করো না হলনা,
	না না না॥

আজো মুকুলিকা মোর হিয়া মাঝে  
না-বলা কত কথা বাজে,  
অভিमानে লাজে বলা যে হল না ॥

কেন শরমে বাঁধিল কে জানে,  
আঁখি তুলিতে নারিনু আঁখি-পানে ।  
প্রথম প্রণয়-ভীকু কিশোরী  
যত অনুরাগ তত লাজে মরি,  
এত আশা সাধ চরণে দুলে না ॥

## ১৮

স্বদেশী গান

ভোল লাজ ভোল গ্লানি জননী  
মুক্ত আলোকে জাগো !  
কবে সে ঘুমালি মরণ-ঘুমে মা  
আর জাগিলি না গো ॥

চরণে কাঁদে মা তেমনি জলধি,  
বন্ধ আঁকড়ি কাঁদে নদ নদী,  
ত্রিগ-কোটি সন্তান নিরবধি  
কাঁদে আর ডাকে মা গো ॥

শূন্য দেউল বন্ধ আরতি,  
কাঁদিছে পূজারী, নাহি মা মুরতি,  
পূজার কুসুম চন্দন যায়  
আঁখি-জলে—ভাসিয়া মা গো ॥

যে তিতিক্ষা যে শিক্ষা লয়ে,  
অতীত্রে ছিলি মা রাজরানী হয়ে,  
লয়ে সে মহিমা পুন নির্ভয়ে  
বিশ্ব-বুকে দাঁড়া গো ॥

বিশ্বের এই ঋন কোলাহলে  
তুই আয় কল্যাণ-দীপ জ্বলে,  
বিরোধের শেষে তুই শান্তি মা  
মৃত্যুশেষে সুধা গো ॥

## ১৯

বেহাগ—খাম্বাজ

কমু কমু ঝুম  
কমু ঝুম বাজে নূপুর ।  
তালে তালে দোদুল দোলে  
নাচের নেশায় চুর ॥

চঞ্চল বায়ে আঁচল উড়ায়ে  
চপল পায়ে, ও কে যায়  
নটিনী কল-তটিনীর প্রায়,  
চিনি বিদেশিনী চিনি গো তায়,  
শুনি ছন্দ তারি এ হিয়া ভরপুর ॥

নাচন শিখালে ময়ূর মরালে,  
মরীচি-মায়া মরুতে ছড়ালে,  
বন-মৃগের মন হেসে ভুলালে,  
ভাগর আঁখির নাচে সাগর দুলালে ;  
গিরি-দ্বীপ বনে গো

দোল লাগে নাচনের  
শুনে তার সুর ॥

## ২০

গ্রাম্য সঙ্গীত

পদুদীঘির ধারে এ  
সখি লোক কমল-দীঘির ধারে ।  
আমি জল নিষ্ঠে মাই  
সকাল সাঁঝে সই,

সখি,  
আর

ছল করে সে মাছ ধরে  
চায় সে বারে বায়ে ॥

আর

মাছ ধরে সে, বড়শী আমার  
বুকে এসে বেঁধে,  
ওলো সই বুকে এসে বেঁধে,  
চোখের জলে কলসি আমার সই  
আমি ভরাই কেঁদে কেঁদে  
সই দেখি যত তারে ॥

সখি লো

আমি  
সখি,

ছিপ নিয়ে ক্ষয় মাছ জলে তার  
তাকায় না তার পানে,  
মন ধরে না—মীন ধরে সে  
সখি লো সেই জানে।  
মন—ভিখারি মীন—শিকারী  
মুখের পানে চায়,  
চোখের পানে চায়,  
বড়শী—বেঁধা মাছের মত গো  
ছুটিয়া মরি হায় অকূল পাথারে ॥

২১

গজল

যোগিয়া মিশ্র—কার্য

দিতে এলে ফুল, হে প্রিয়,  
কে আজি সমাধিতে মোর।  
এত দিনে কি আমারে  
পাড়িল মনে মনোচোর ॥

জীবনে যারে চাইনি

ঘুমাইতে দাও তাহারে,  
মরণ-পায়ে ভেঙো না  
ভেঙো না তাহার ঘুম—ঘোর ॥



দিতে এসে ফুল কেঁদো না প্রিয়  
 মোর সমাধি-পাশে,  
 বরিল যে ফুল অনাদরে হয়—  
 নয়ন-জলে বাঁচিবে না সে।  
 সমাধি-পাষণ নহে গো  
 তোমার সমান কঁঠোর॥

কত আশা সাধ মিশে যায় মাটির সনে,  
 মুকুলে বরে রক্ত ফুল কীটের দহনে।  
 কেন অ-সময়ে আসিলে,  
 ফিরে যাও, মোছ আঁখি-লোর॥

বেহুগ মানব-কার্য

কে এলে মোর চির-চেনা  
 অতিথি দ্বারে যম।  
 ফুলের বৃকে মধুর স্বত  
 পরাগে সুবাস সন্ম॥

বর্ষা-শেষে চাঁদের মতন  
 উদয় তোমার নীরব গোপন,  
 জ্যোৎস্না-ধারায় নিখিল ভুবন  
 ছাইস্না অনুপম॥

হৃদয় বলে, চিনি চিনি  
 আঁখি বলে, দেখিনি তায়,  
 মন বলে, প্রিয়তম॥

২৩

ভজন

ভীম পল্লবী-কার্য

দোলে নিতি নব রাপের ঢেউ-পাখার  
 ঘনশয়ম তোমারি নয়নে॥

আমি হেরি যে নিখিল বিশ্বরূপ—  
সম্ভার তোমারি নয়নে ॥

তুমি পলকে ধর নাথ সংহার-বেশ,  
হও পলকে করুণা-নিদান পরমেশ,  
নাথ ভরষ যেন বিষ অমৃতের ভাগুর  
তোমার দুই নয়নে ॥

ওগো মহা-শিশু, তব খেলা ঘরে  
এ কি বিরাট সৃষ্টি বিহার করে;  
সংসার চক্ষে তুমিই হে নাথ,  
সংসার তোমারি নয়নে ॥

তুমি নিমেষে রচি নব বিশ্বছবি  
ফেল নিমেষে মুছিয়া হে মহা কবি,  
করে কোটি কোটি ব্রহ্মাণ্ড ভুবন-সঞ্চার  
তোমারি নয়নে ॥

তুমি ব্যাপক বিশ্ব চরাচরে  
জড় জীবজন্তু নারী নয়ে,  
কর কমল-লোচন, তোমার রূপ বিস্তার হে  
আমার নয়নে ॥

২৪

পিলু-কার্য

এলে কি ঝু ফুল-ভবনে।  
মেলিয়া পাখা নীল গগনে ॥

একা কিশোরী লাজ বিসরি  
তোমারে স্মরি সঙ্কোপনে,  
এস গোখুলির রাঙা লগনে ॥

পাতার আসন শাখায় পাতা,  
বালিক-কলির মালিকা গাঁথা,  
দিনু গন্ধ-লিপি ভোর পবনে ॥

২৫

ডঙ্কন

মেঘ—তেতলা

হে বিধাতা !

দুঃখ শোক মাঝে তোমারি পরশ রাখে,  
কাঁদায়ে জননী-প্রায় কোলে কর পুনরায়  
শান্তি-দাতা,  
হে বিধাতা ॥

ভুলিয়া যাই হে যবে সুখ-দিনে তোমারে  
স্মরণ করায় দাও আঘাতের মাঝারে,  
দুঃখের মাঝে তাই হে প্রভু তোমারে পাই  
দুঃখ-ভ্রাতা,  
হে বিধাতা ॥

দারা-সুত-পরিজন-রূপে প্রভু অনুখন,  
তোমার আমার মাঝে আড়াল করে সৃজন ;  
তুমি যবে চাহ মোরে লও হে তাদের হরে  
ছিঁড়ে দিয়ে মায়া-ডোরে ক্রোড়ে ধর আপন ।  
ভক্ত সে প্রহ্লাদ ডাকে যবে নারায়ণ  
নির্মম হয়ে তার পিতারও হর জীবন,  
সব যবে ছেড়ে যায় দেখি তব বুকে হয়  
আসন পাতা ।  
হে বিধাতা ॥

২৬

ভীম পলশ্রী মিশ্র—দাদরা

পাষাণের ভাঙালে ঘুম  
কে তুমি সোনার ছোঁওয়ায় ।  
গলিয়া সুরের তুষার  
গীতি-নির্ব্বর বয়ে যায় ॥

উদাসীন বিবাগী মন

যাচে স্বাচ্ছন্দ্য বাহুর বাঁধন,

কত জনমের কাঁদন  
ও-পায়ে লুটাতো চায় ॥

তোমার চরণ-ছন্দে মোর  
মুঞ্জরিল গানের মুকুল,  
তোমার বেণীর বন্ধে গো  
মরিতে চায় সুরের বকুল ।  
চমকে ওঠে মোর গগন  
ঐ হরিণ-চোখের চাওয়ায় ॥

২৭

হাম্বীর—তেতাল

বলো না বলো না ওলো সই  
আর সে কথা ।  
ভোমরা চপল-মতি  
ফিরে সে যথা তথা ॥

তরু কি লতার কাছে  
এসে কভু প্রেম যাচে,  
তরু বিনা নাহি বাঁচে  
অসহায় লতা ॥

ভুলিতে যার নাই তুলনা,  
সখি তার কথা তুলো না,  
প্রাণহীন পাষাণে গড়া  
সে যে দেবতা ॥

২৮

ইমনকল্যাণ—কাওয়ালি

মরম-কথা গেল সই মরমে মরে ।  
শরম বারণ যেন করিল চরণ ধরে ॥

ছল করে কতো শত  
সে মম রুধিত পথ,  
লাজ ভয়ে পলায়েছি  
সে ফিরেছে ব্যথাহত,  
অন্যদরে প্রেম-কুসুম গিয়াছে মরে ॥

কতো যুগ মোর আশে বসে ছিল পথ-পাশে,  
কতো কথা কতো গান জানায়েছে ভালোবেসে  
শেষে অভিমানে নিরাশে গিয়াছে সরে ॥

২৯

ঝিঝিট—একতারা

এস হৃদি-রাস-মন্দিরে এসো  
হে রাস-বিহারী কালা ।  
মম নয়নের পাতে রাখিয়াছি গৈঁথে  
অশ্রু-যুধির মালা ॥

আমার কাঁদন-যমুনার নদী  
ভারি-টানে শুধু বহে নিরবধি,  
তারে বাঁশরির তানে বহাও উজ্জানে  
ভোলাও বিরহ-জ্বালা ॥

আমি ত্যাজিয়াছি কবে লাজ মান কুল  
বহি কলঙ্ক এসেছি গোকুল,  
আমি ভুলিয়াছি ঘর শ্যাম নটবর  
করো মোরে ব্রজ বালা ॥

৩০

পাহাড়ী—তেতলা

যমুনা-কূলে মধুর মধুর মুরলী সখি বাজিল ।  
মাধব নিকুঞ্জ-চারী শ্যাম বুঝি আসে—  
কদম্ব তমাল নব-পল্লবে সাজিল ॥

ময়ূর তমাল-তলে পেখম খোলে,  
 ব্যাকুলা গোপ-বালা শুনিয়া সে তান,  
 যুগ যুগ ধরি যেন শ্যাম  
 বাঁশরি বাজায় গো,  
 বাঁশিতে শ্যাম মোরে যাচিল ॥

## ৩১

বাগেশী-সিদ্ধু-কাহারবা

কুসুম-সুকুমার শ্যামল তনু  
 হে ফুল-দেবতা লহ প্রণাম ।  
 বিটপী লতায় চিকন পাতা,  
 ছিটাও হাসি কিশোর শ্যাম ॥

পূজার থালা এ অর্ঘ্য-জলা  
 এনেছি দিতে তোমার পায়,  
 দেহ শুভ বর কুসুম-সুন্দর  
 হউক নিখিল নয়নাভিরাম ॥

এ বিশ্ব বিপুল কুসুম-দেউল  
 হউক তোমার ফুল-কিশোর !  
 মুরলী করে এসো গোলক-বিহারী  
 হউক ভুলোক আনন্দ-ধাম ॥

## ৩২

ভজ্ঞন

পাহাড়ী-কার্ফা

কোথায় তুই খুঁজিস ভগবান  
 সে যে রে তোরি মাঝারে রয় ।  
 চেয়ে দেখ-সে-তোরি মাঝারে রয় ।

সাজিয়া যোগী ও দরবেশ  
খুঁজিস স্বারে পাহাড়-জঙ্গলময়  
সে যে রে তোরি মাঝে রয় ॥

আঁখি খোল ইচ্ছা-অঙ্কের দল  
নিজেরে দেখ রে আয়নাতে,  
দেখিবি তোরই এই দেহে,  
নিরাকার তাঁহার পরিচয় ॥

ভাবিস তুই ক্ষুদ্র কলেবর  
ইহাতেই অসীম নীলাম্বর,  
এ দেহের আধারে গোপন  
রহে রে বিশ্ব চরাচর,  
প্রাণে তোর প্রাণের ঠাকুর  
বেহেশতে স্বর্গে কোথাও নয় ॥

এই তোর মন্দির মসজিদ  
এই তোর কাশী কন্দাবন,  
আপনার পানে ফিরে চল  
কোথা তুই তীর্থে যাবি, মন !  
এই তোর মক্কা মদিনা,  
জগন্নাথ-ক্ষেত্র এই হৃদয় ॥

### ৩৩

খাম্বাজ মিশ্র—কার্য

মেরো না           আমারে আর নয়ন-বাণে  
কি জ্বালা ব্যাধের বাণে  
বনের হরিণই জানে ॥

একে এ-প্ররান দহে  
মন্দির ও-আঁখির মোহে  
চাহনির যাদু মাখা তায় ।

জ্বলিছে আলেয়া শিখা  
 নয়ন-জ্বলের ময়ীচিকা  
 পিয়াসী পখিক ছোটে হায়  
 তাহারি টানে ॥

তব রূপের সাযরে ও-নয়ন  
 শাপলা সুঁদির ফুল,  
 তুলিতে গিয়া ডুবিল  
 শত সে পখিক বেভুল

সুন্দর ফণীর শিরে  
 ও যেন যুগল মণি,  
 যে গেল সে মণির মায়ায়,  
 তারে দংশিল অমনি ।

শত সে হৃদয়-নদী  
 কেঁদে যায় নিরবধি,  
 সাগর-ডাগর ও-আঁখির পানে ॥

## ৩৪

বেহাগ ঋতু—দাদরা

হেলে দুলে নীর ভরণে ও কে যায় ।  
 ছল করে কলসি নাচায় (কিশোরী) ॥

দুলে দোদুল তনু-লতা, বাহু দোলে,  
 দুলে অঞ্চল চঞ্চল বায় ।  
 দুলে বেণী, দুলে চাবি আঁচলায় ॥

নাচে জল-তরঙ্গে তটিনী স্বর্গে  
 জলদ দাদরা বাজায় ।  
 মম পরান নুপুর হতে চায় (তার পায়) ॥



৩৫

জংলা—দাদরা

বনে মোর ফুটেছে হেনা চামেলি  
 যুঁথি বেলি।  
 এসো এসো কুসুম-সুকুমার  
 শীতের মায়-কুহেলি অবহেলি॥

পরানে দেয় দোলা দেয় দোলা দেয় দোলা  
 উতল দখিনা হাওয়া,  
 কোকিল কুহরে কুহু কহু স্বরে,  
 মদির স্বপন-ছাওয়া।

হাসে গীত-চঞ্চল জোছনা-উজল  
 মাষবী রাতে  
 এসো এসো যৌবন-সার্থী  
 ফুল-কিশোর, চিতচোর, দেবতা মোর !  
 মম লাজ অবগুষ্ঠন ঠেলি॥

৩৬

চাষানীর গান

ঝুমুর—কাফা

ও দুখের বন্ধু রে, ছেড়ে কোথায় গেলি।  
 ছেড়ে কোথায় গেলি রে বন্ধু, একলা ঘরে ফেলি॥

আমায় গঞ্জনা দেয় ঘরে পরে,  
 আমি ভুলতে তবু নারি তোরে রে,  
 আমি লবণ দিতে পাস্তা ভাতে হলুদ দিয়ে ফেলি॥

আমি তোর লাঙল তোর কাস্তে নিয়ে  
 ঝুঞ্জে বেড়াই মাঠে গিয়ে,  
 আমার চোখের জলে মাঠ ভেসে যায়  
 তুই তবু কই এলি॥

তেল মেখে কি গায়ে তোরা  
 পিরীতি করিস মনোচোরা,

ধরিতে কি না ধরিতে  
যাস রে পিছলি ॥

৩৭

চামার গান

বাউল—কার্ফা

আমি      ভুরি-ছেঁড়া ঘুড়ির মতন  
                 চলছি উড়ে প্রাণ সহ।  
ছুটি      উর্ধ্বশ্বাসে ঝড়-বাতাসে  
                 পড়ব কোথায় কেমনে কই ॥

                 তোর      থেকে লো চলে এসে  
আমার      বুকের পাঁজরা গেছে খসে,  
সেই      ভাঙা বুকের খাপরা ভরে  
                 কুল কাঠেরি আগুন বই ॥

                 কাঁদিয়ে তোরে ও প্রেয়সী,  
                 তোরও চেয়ে কাঁদছি বেশি,  
আমার      পাকা ধানের ক্ষেতে আমি  
                 আপন হাতে দিলাম মই ॥

                 তোর কাঁদনের গাঙের তীরে  
আমি      নৌকা বেয়ে আসব ফিরে,  
তুই      ভেঙ্গে রাকিস দুখের তাতে  
                 মন-আখাতে স্নেহের খই ॥

৩৮

ডুয়েট-গান

পুরুষ ॥      তুমি ফুল আমি সুতো গাঁথিব মালা ॥  
স্ত্রী ॥      তাহে ঘোরেই সহিতে হবে সূচীর জ্বালা ॥  
পু ॥      দুলিবে গলে মোর বুকের পরে,  
স্ত্রী ॥      ফেলে দিবে বাসি হলে নিশি-ভোরে,  
                 আমি বন-কুসুম বরি বনে নিরালা ॥

পু॥           তব কুঞ্জ-গলি  
                   আসে দখিন-হাওয়া,  
                   আসে চপল অলি।  
 স্ত্রী॥           তারা রূপ-পিয়াসী  
                   তারা ছিড়ে না কলি।  
                   তারা বনের বাহিরে মোরে নেবেনা কালা॥  
 পু॥           তবে চলিয়া যাই আমি নিরাশা লয়ে,  
 স্ত্রী॥           না, না, থাক বৃকে শিশির হয়ে,  
                   তব প্রেমে করিব আমি বন উজ্জালা॥

৩৯

ডুয়েট গান

পুরুষ॥       মন নিয়ে আমি লুকোচুরি-খেলা খেলি প্রিয়ে।  
 স্ত্রী॥           ধরিতে পারি না পেতে তাই প্রেম-ফাঁদ  
                   আমি মেঘ তুমি চাঁদ,   ফের গো কাঁদিয়ে॥  
 পু॥           মন্দ বায় আমি   গন্ধ লুটি শুধু  
                   চাইলে আমি সে মধু,  
 স্ত্রী॥           চাইনে চাইনে, বঁধু।  
                   তাহে নাই সুখ নাই,  
                   আমি পরশ যে চাই।  
 পু॥           স্বপন-কুমার ফিরি যে আমি  
                   মন ভুলিয়ে॥  
 উভয়ে॥       চল তবে যাই মোরা স্বপ্নের দেশে  
                   জোছনায় ভেসে  
                   নন্দন-পারিজাত ফুল ফুটিয়ে॥

৪০

ডুয়েট গান

উভয়ে॥       ভালোবাসায় বঁধব বাসা  
                   আমরা দুটি মানিক-জোড়।  
                   থাকব বাঁধা পাখায়  
                   মাখামাখি প্রেম-বিভোর॥

পু॥ আমার বুকে যত মধু  
 স্ত্রী॥ আমার বুকে ঢালবে ঝঁধু !  
 পু॥ আমি কাঁদব যখন দুখে  
 স্ত্রী॥ আমি মুছাব সে নয়ন-লোর॥  
 পু॥ আমি যদি কভু মনের ভুলে,  
 তোমায় প্রিয়া থাকি ভুলে,  
 স্ত্রী॥ আমি রইব তাতেই  
 ফুলের মালায় লুকিয়ে  
 যেমন থাকে ডোর॥

## ৪১

## ভজন

মোর মন ছুটে যায় দ্বাপর যুগে  
 দূর দ্বারকায় বৃন্দাবনে ।  
 মোর মন হতে চায় ব্রজের রাখাল  
 খেলতে রাখাল-রাজার সনে ॥

রূপ ধরে না বিম্বে যাহার  
 দেখতে যায় সাধ কিশোর-রূপ তার,  
 কেমন মানায় নরের রূপে  
 অনন্ত সেই নারায়ণে ॥

সাজত কেমন শিখী-পাখা  
 বাজত কেমন নৃপূর পায়ে,  
 খির কেমন থাকত ধরা  
 নাচত যখন তমাল-ছায়ে ।  
 মা যশোদা বাঁধত যখন  
 কাঁদত ভগবান কেমনে ॥

বাজাত সে বেণু যখন  
 উঠত না কি বিশ্ব কেঁপে,

ছড়িয়ে যেত সে সুর কোথায়  
 আকাশ গ্রহ তারা ছেপে ।  
 রাখার সনে ছুটত না কি  
 পাগল নিখিল বাঁশির স্বনে ॥

তারে সাজত কেমন বন-মালায়  
 বিশ্ব যাহার অর্ঘ্য সাজায় ;  
 যোগী-ঋষি পায় না ধ্যানে  
 গোপ-বালা কেমনে পায় ।  
 তেমনি করে কালার প্রেমে  
 সব খোয়াবো এই জীবনে ॥

## ৪২

### ভজন

মন্দ—কার্য

চিরদিন কাহারো সমান নাহি যায় ।  
 আজিকে যে রাজাধিরাজ কাল সে ভিক্ষা চায় ॥

অবতার শ্রীরাম যে জানকীর পতি  
 তারো হল বনবাস রাবণ-করে দুর্গতি ।  
 আগুনেও পুড়িল না লনাটের লেখা হয় ॥

স্বামী পঞ্চ পাণ্ডব, সখা কৃষ্ণ ভগবান,  
 দুষ্টশাসন করে তবু দ্রৌপদীর অপমান ।  
 পুত্র তার হল হত যদুপতি যার সহায় ॥

মহারাজ শ্রীহরিশ্চন্দ্র রাজ্যদান করে শেষ  
 শূশান-রক্ষী হয়ে লভিল চণ্ডাল বেশ ।  
 বিষ্ণু-বুকে চরণ-চিহ্ন, ললাট-লেখা কে খণ্ডায় ॥

৪৩

কীৰ্ত্তন—মিশ্র

দেখে যা তোরা নদীয়ায় ।  
 গোরার রূপে এল ব্রজের শ্যামরায় ॥  
 মুখে হরি হরি বলে  
 হেলে দুলে নেচে চলে,  
 নরনারী প্রেমে গলে  
 চলে পড়ে রাঙা পায় ॥

ব্রজে নুপুর পরি নাচিত এমনি হরি,  
 কুল ভুলিয়া সবে ছুটিত এমনি করি ।  
 শচী মাতার রূপে কাঁদে মা যশোদা,  
 বিষ্ণুপ্রিয়ার চোখে কাঁদে কিশোরী রাধা ।  
 নহে নিমাই নিতাই, ও যে কানাই বলাই,  
 শ্রীদাম-সুদাম এলো জগাই-মাধাই—এ হয় ॥

অসি নাই বাঁশি নাই, এবার শূন্য হাতে ।  
 এসেছে ভুবন ভুলাতে ।  
 লীলা-পাগল এল প্রেমে মাতাতে,  
 ডুবু ডুবু নদীয়া, বিশ্ব ভাসিয়া যায় ॥

৪৪

ঝুমুর—খেমটা

কাল            এত ভাল কি হে কদম্ব গাছের তলা ।  
 আমি            দেখছি কত দেখব কত তোমার ছায়া কলা ॥

আমি            জল নিতে যাই যমুনাতে  
                   তুমি বাজাও বাঁশি হে,  
                   স্বনের ভুলে কলস ফেলে  
                   তোমার কাছে আসি হে,  
 শ্যাম            দিন-দুপুরে গোকুলপুরে দায়-হলো যে চলা ॥

আমার চারিদিকেতে ননদ সতীন দুকূল রাখা ভার,  
আমি সহিব কত আর,  
ওরা লুকিয়ে হাসে দেখে মোদের  
গোপন লীলার ছলা ॥

৪৫

বিভাষ মিশ্র—একতলা

জবাকুসুম-সঙ্কাশ  
ঐ উদার অরুণোদয়।  
অপগত তমোভয়  
জয় হে জ্যোতির্ময় ॥

জননীর সম সুহ-সজ্জল  
নীল গাঢ় গগন-তল,  
সুপেয় বারি প্রসূন ফল  
তব দান অক্ষয়।  
অপহৃত সংশয়  
জয় হে জ্যোতির্ময় ॥

৪৬

ভৈরবী—কাঞ্চী

মাধব বংশীধারী বনওয়ারী গোষ্ঠ-চারী  
গোবিন্দ কৃষ্ণ মুরারি।  
গোবিন্দ কৃষ্ণ মুরারি হে,  
পাপ-তাপ-দুখ-হারী ॥ উ

কালরূপ কভু দৈত্য-নিধনে,  
চিকন কালা কভু বিহর বনে,  
কভু বাজাও বেণু, খেল খেনু-সনে,  
কভু বাফে রাখা-প্যারী,  
গোপ-নারী মনোহারি,  
নিকুন্তল-লীলা-বিহারী ॥

কুরুক্ষেত্র-রণে পাণ্ডব-মিতা,  
 কণ্ঠে অভয় বাণী ভগবদ-গীতা,  
 হে পূর্ণ ভগবান পরম পিতা,  
 শঙ্খ-চক্র-গদাধারী,  
 পাপ-তারী, কাণ্ডারী  
 ত্রিভুবন সৃজনকারী॥

৪৭

আশাবরী—দাদরা

আমার কালো মেয়ের পায়ের তলায়  
 দেখে যা আলোর নাচন।  
 মায়ের রূপ দেখে দেয় বুক পেতে শিব  
 যার হাতে মরণ বাঁচন॥

আমার কালো মেয়ের আঁখার কোলে,  
 শিশু রবি শশী দোলে,  
 মায়ের একটুখানি রূপের ঝলক,  
 ঐ স্নিগ্ধ বিরাট নীল-গগন॥

পাগলী মেয়ে এলোকেশী  
 নিশীথিনীর দুলিয়ে কেশ  
 নেচে বেড়ায় দিনের চিতায়  
 লীলার রে তার নাই কো শেষ।

সিন্ধুতে ঐ বিন্দুখানিক  
 তার ঠিকরে পড়ে রূপের মানিক,  
 বিশ্বে মায়ের রূপ ধরে না  
 মা আমার তাই দিগ-বসন॥

৪৮

সিন্ধুকান্ধি—যং

শ্যামা তুই বেদেনীর মেয়ে  
 (তাই) মাঠে ঘাটে বেড়াস খেয়ে।  
 তুই কোন দুখে এই ভেক নিলি মা  
 থাকতে নিখিল ছেলে-মেয়ে॥



হেম কৈলাসে তোর আগুন জ্বালি  
গৌরী মেয়ে সাজলি কালি,  
তুই অন্নপূর্ণা নাম ভুলিলি  
ভূতনাথের সঙ্গ পেয়ে ॥

ডুগডুগি ঐ বাজায় মহেশ  
ক্ষ্যাপা বেটা গাঁজা খেয়ে,  
তাই দেখে তুই চণ্ডী সেজে  
ক্ষেপে গেলি হাবা মেয়ে ।

রাজার মেয়ের এ কি স্বেয়াল  
মেরে বেড়াস অসুর-শেয়াল,  
তুই দানব ধরে বাঁদর নাচাস  
কাজ নাই তোর খেয়ে-দেয়ে ॥

৪৯

### সরস্বতী-বন্দনা

জয় বাণী বিদ্যাদায়িনী ।  
জয় বিশ্ব-লোক-বিহারিণী ॥

সৃজন-আদিম তমঃ অপসারি  
সহস্র দল কিরণ বিথারি  
আসিলে মা-তুমি গগন বিদারি  
মানস-মরাল-বাহিনী ॥

ভারতে ভারতী মূক তুমি আজি  
বীণাতে উঠিছে ব্রন্দন বাজি  
ছিন্ন-চরণ শতদলরাজি  
কহিছে বিষাদ-কাহিনী ॥

উঠ মা আবার কমলাসীনা  
করে ধর পুষ্প-সে রুদ্র বীণা,  
নব সুর তানে বাণী দীনহীনা  
জাগাও অমৃত-ভাষিণী ॥

৫০

ভৈরবী-একতালা

রোদনে তোর বোধন বাজে

আয় মা শ্যামা জগন্ময়ী।

আমরা যে তোর মানব-ছেলে

আমরা তো মা দানব নই॥

তোর মাথায় গেছে রক্ত চড়ে

তাই পা রেখেছিস শিবের পুরে,

স্বামীকে তুই মা চিনতে নারিস

চিনবি ছেলের কেমনে কই॥

তোর বাবা যেমন অটল পাষণ

তেমনি অটল তোরও কি প্রাণ !

তুই সব খেয়েছিস সকল-খাগী,

এবার শুধু ভিক্ষা মাগি—

তোর আপন ছেলের মাথা খা তুই

মোরাও দুঃখ-মুক্ত হই॥

৫১

বাউল-ধেমরা

তুমি দুখের বেশে এলে বলে ভয় করি কি হরি।

দাও ব্যথা যতই, তোমায় ততই নিবিড় করে ধরি

আমি ভয় করি কি হরি॥

আমি শূন্য করে তোমার ঝুলি

দুঃখ নেব বক্ষে তুলি,

আমি করব দুখের অবসান আজ

সকল দুঃখ বরি।

আমি ভয় করি কি হরি॥



৫৪

কীর্তন—ভাঙা

ওমা ফিরে এলে কানাই মোদের  
 এবার ছেড়ে দিসনে তায়।  
 তোর সাথে সব রাখাল মিলে  
 বাঁধব সে ননী-চোরায়ে ॥

তারে তুই যখন মা রাখতিস বেঁধে,  
 ছাড়ায়েছি কেঁদে, কেঁদে,  
 তখন জানত কে, যে, খুললে বাঁধন  
 পালিয়ে যাবে মধুরায় ॥

এবার আমরা এসে ডাকলে শ্যামে  
 গোঠে যেতে দিসনে তায়।  
 ঐ পথে অক্লুর মুনির সাথে  
 পালিয়ে যাবে শ্যামরায় ॥

মোরা কেউ যাব না বনে মা আর  
 খেলব তোর এই আঙিনায়,  
 শুধু খেলব লুকোচুরি লো  
 আগলাতে চোরের রাজ্যায় ॥

৫৫

বাউল—কার্ফা

পথে পথে কে বাজিয়ে চলে বাঁশি।  
 হলো বিশ্ব-রাধা ঐ সুরে উদাসী ॥

শুনে ঐ রাখালের বেণু  
 ছুটে আসে আলোক-ধেনু,  
 ঐ নীল গগনে রাঙা মেঘে  
 ওড়ে গোখুর-রেণু,  
 আসে শ্যাম-পিয়রী গোপ-কিয়রি  
 গ্রহ-তারার রাশি ॥

সেই বাঁশির অন্বেষণে  
 যত মন-বধু ধায় বনে,  
 তাদের প্রেম-যমুনায় বান ডেকে যায়  
 কুল খোয়ায় গোপনে।  
 তারা রাস-দেউলে রসের  
 বাউল আনন্দ-ব্রজবাসী ॥

৫৬

ভজন

( 'আরে দাতা শোন' সুর )

ও মন চল অকুল পানে  
 মাতি হরিপ্রেম-গুণগানে।  
 নদী যেমন ধায় অকূলে  
 কুল যত তায় টানে ॥

তুই কোন পাহাড়ে ঠেকলি এসে  
 কোন পাথরের জল,  
 হরির প্রেমে গলে এবার  
 সেই অসীমে চল,  
 তুই স্রোতের বেগে দুলবি রে  
 কুল বাধা যদি হানে ॥

কুলু কুল কুলুকুলু হরিগুণ-গান  
 গাইবি অবিরল,  
 আর দুই কূলে প্রেম-ফুল ফুটায়ে  
 করবি রে শ্যামল,  
 যত তাপিত প্রাণ হবে শীতল  
 তোর জলে সিনানে ॥

এ পারের সব যাত্রী যাবে  
 তোর বুকে ওপারে,  
 তোর কূলে শ্যাম বাজিয়ে বাঁশি  
 আসবে অভিসারে,  
 তুই শ্যামের ছবি ধরবি বুক  
 মাতবি প্রেম-তুফানে ॥

৫৭

মন্দ—কার্কা

এস মুরলীধারী      বৃন্দাবন-চারী  
 গোপাল গিরিধারী শ্যামে ।  
 তেমনি যমুনা বিগলিত-করুণা,  
 কুলু কুলু কুলু-স্বরে ডাকে অবিরাম ॥

কোথায় গোকুল-বিহারী শ্রীকৃষ্ণ  
 চাহিয়া পথ-পানে ধরণী সতৃষ্ণ,  
 ডাকে মা যশোদায় নীলমণি  
 আয় আয় ডেকে যায় নন্দ শ্রীদাম ॥

ডাকে      প্রেম-সায়িকা আজো শত রাধিকা  
                                  গোপ-কোঙারি,  
 এস      নওল-কিশোর কুল-লাজ-মান-চোর  
                                  ব্রজ-বিহারী ।  
 পরি সেই পীতধরা, সেই বাঁকা শিখী-চূড়া  
                                  বাজায়ে বেণু  
 আরবার এস গোঠে, খেল সেই ছায়া-বটে,  
                                  চরাও খেনু ।  
 কদম      তমাল-ছায়ে এস নুপুর পায়ে  
                                  ললিত বজ্রিকম ঠাম ॥

৫৮

খাম্বাজ—কাওয়ালি

নুপুর মধুর রুনুঝু বোলে  
 মন-গোকুলে রুনুঝু বোলে ॥  
 কূলের বাঁধন টুটে  
                                  যমুনা উথলি উঠে,  
                                  পুলকে কদম ফোটে,  
                                  পেখম খোলে  
                                  শিবী পেখম খোলে ॥

ব্রজনারী কুল ভুলে  
লুটায় সে পদমূলে,  
চোখে জল, বুকে  
শ্রম-তরঙ্গ দোলে ॥

শ্রীমতী রাখার সাথে  
বিশ্ব ছুটিছে পথে,  
হরি হরি বলে মাতে  
ত্রিভুবন ভোলে ॥

৫৯

বেহাগ—একতারা

হে গোবিন্দ, ও অরবিন্দ চরণে-শরণ দাও হে।  
বিফল জনম কাটিল কাঁদিয়া, শাস্তি নাহি কোথাও হে ॥

জীবন-প্রভাত কাটিল খেলায়,  
দুপুর ফুরাল মোহের মেলায়,  
ডাকিব যে নাথ সন্ধ্যা-বেলায়  
ডাকিতে পারিনি তাও হে ॥

এসেছি দুঃখ-জীর্ণ পশ্চিম মৃত্যু-গহন রাতে  
কিছু নাই প্রভু সম্বল, শুধু জল আছে আঁখি-পাতে।  
সন্তান তব বিপথগামী  
ফিরিয়া এমেছে হে জীবন-স্বামী  
পাপী-তাপী জ্বর সন্তান আমি  
ধূলা মুছে কোলে নাও হে ॥

৬০

কীর্তন—ভাঙা

ফিরে আয় ডাই গোঠে কানাই  
আর কতকাল রবি মথুরায়।

তোর শ্যামলী ধবলী কাঁদে তৃণ ফেলি,  
বারে বারে পথে ফিরে চায় ॥

রাখাল-সাথীরে ফেলি কোথা আজ  
রাজ্য পেয়েছ, হে রাখাল-রাজ !  
তোর ফেলে-যাওয়া বাঁশি  
নিয়ে যারে আসি  
মোরা আঁখি-জলে ভাসি দেখে তায় ॥

তুই শিখী-পাখা ফেলে মুকুট মাথায়  
দিয়েছিস নাকি, শুনে হাসি পায় !  
তুই পীত-ধড়া ছেড়ে রাজ-বেশে ভাই  
সেজেছিস নাকি, মোদের কানাই !  
তুই অসি ফেলে নেচে আয় হেলে দুলে,  
নুপুর পরিয়া রাঙা পায় ।  
ফিরে আয় ননী-চোর ব্রজের কিশোর  
মা বলে ডাক যশোদায় ॥

৬১

গান

সুন্দর বেশে মৃত্যু আমার আসিলে কি এতদিনে ?  
বাজলে দুপুরে বিদায়-পূরবী আমার জীবন-বীণে !  
ভয় নাই রানি, রেখে গেনু শুধু চোখের জলের লেখা,  
রাতের এ লেখা শুকাবে প্রভাতে, চলে যাব আমি একা !

\* \* \*

দিনের আলোকে ভুলিও তোমার রাতের দুঃস্বপন,  
উর্ধ্বে তোমার গ্রহরী দেবতা,  
মধ্যে দাঁড়িয়ে তুমি ব্যাখ্যাতা,  
পায়ের তলার দৈত্যের কথা ভুলিতে কতক্ষণ ?



৬২

তিলক-কামোদ—আঙ্কা কাওয়ালি

রাখ রাখ রাঙা পায়

হে শ্যামরায় !

ভুলে গৃহ স্বজন সবাই সঁপেছি তোমায় ॥

সংসার মরু ঘোর, নাহি তরু ছায়া,

নব নীরদ শ্যাম আনো মেঘ-মায়া,

আনন্দ-নীপবনে নন্দ-দুলাল এস

বহাও উজান হরি অশ্রুর যমুনায় ॥

একা জীবন মোর গহন বন ঘোর

এস এ বনে বনমালি গোপ-কিশোর,

কুঞ্জ রচেছি দুখ-শোক-তমাল-ছায় ।

প্রেম-প্রীতির গোপী-চন্দন শুকায়ে যায় ॥

দারা সুত প্রিয়জন, হরি হে নাহি চাই,

পদ্ম-পলাশ-আঁখি যদি দেখিতে পাই ।

রাখাল-রাঙা এস, এস হে হৃষিকেশ,

গোকূলে লহ ডাকি, অকূলে ভাসি, হয় ॥

৬৩

কীর্তন—মিশ্র

মোরে সেইরূপে দেখা দাও হে হরি ।

তুমি ব্রজের বালারে রাই কিশোরীরে

ডুলাইলে যেই রূপ ধরি ॥

হরি বাজায়ো বাঁশরি সেই সাথে,

যে বাঁশি শুনিয়া খেনু গোষ্ঠে যেত

উজান বহিত যমুনাতে ।

যে নূপুর শুনে ময়ূর নাচিত

এস হে সেই নূপুর পরি ॥

নন্দ-যশোদা কোলে গোপাল  
 যে রূপে খেলিতে, ক্ষীর ননী স্বেতে,  
 এস সেই রূপে ব্রজ-দুলাল ।  
 যে পীত-বসনে কদম-তলায় নাচিতে  
 এস সে বাস পরি' ॥  
 কংসে বধিলে যে রূপে শ্যাম  
 কুরুক্ষেত্রে হইলে সারথি  
 এস সেইরূপে এ ধরামাম ।  
 যে রূপে গাহিলে গীতা নারায়ণ,  
 এস সে বিরাট রূপ ধরি ॥

৬৪

ভৈরবী—দাদরা

হৃদয়-সরসী দুলালে পরশি গত নিশি ।  
 নিশি-শেষে চাঁদ—পূর্ণিমা চাঁদ—  
 গেলে নিশি,  
 গত নিশি ॥

নয়ন মুদি কুমুদী ঐ—  
 কাঁদে প্রিয় কই,  
 পিউ কাঁহা, পিউ কাঁহা, পিউ কাঁহা,  
 দশ দিশি ।  
 গত নিশি ॥

৬৫

ভজস

ভৈরবী—কাওয়ালি

রাখ এ মিনতি ত্রিভুবন-পতি  
 তব পদে মতি (রাখ) ।

আঁখির আগে যেন সদা জাগে  
তব ধ্রুব-জ্যোতি ॥

সংসার মরু-মাঝে তুমি মেঘ-মায়া,  
বিষাদ-শোক-তাপে তুমি তরু-ছায়া,  
সাম্বনা-দাতা তুমি দুঃখ-ব্রাতা  
অগতির গতি ॥

দোলে কালো নিশার কোলে  
আলো-উষসী,  
তিমির-তলে তব তিলক স্থলে  
ঐ পূর্ণ শশী ।  
ঝঞ্ঝার মাঝে তব বিম্বাণ বাজে,  
সহসা ঢলি পড়' বনে ফুল-সাজে,  
কোমলে কঠোরে হে প্রভু বিরাজে  
(তব) মহিমা শকতি ॥

৬৬

দুর্গা—দাদরা

প্রণমি তোমায় বন-দেবতা ।  
শাখে শাখে শুনি তব ফুল-বারতা ॥

তোমার ময়ূর তোমার হরিণ  
লীলা-সার্থী রয় নিশিদিন,  
বিলায় ছায়া বাণী-বিহীন  
তরু ও লতা ॥

**ବନଗୀତି : ଦ୍ଵିତୀୟ ଖଣ୍ଡ**

### আবির্ভাব

নূরের দরিয়ায় সিনান করিয়া  
কে এলো স্বাক্ষর আমিনার কোলে ।  
ফাগুন-পূর্ণিমা-নিশীথে যেমন  
আশমানের কোলে বাঙা-চাঁদ দেলে ॥  
'কে এলো কে এলো' থাকে কোয়েলিয়া,  
পাপিয়া বুলবুল উঠিল ক্ষতিয়া,  
গ্রহ-তারা ঝুঁকে করিছে কুর্নিশ  
ছরপরি হেসে পড়িছে ঢলে ॥

জিন্নাতের আজ খোলা দরওয়াজা পেয়ে  
ফেরেশতা আশ্বিয়া এসেছে ধেয়ে  
তহরীমা বেঁধে ঘোরে দরুদ গেয়ে  
দুনিয়া টলমল, খোলা দরজা টলে ॥

এলো রে চির-চাওয়া, এলো আশেরি-মবি  
সৈয়দে মক্কি-মদনি আল-আরবি,  
নাডেল হয়ে সে যে ইয়াকুত-রাঙা গৌটে  
শাহাদতের বাণী আখো-আখো বোলে ॥

### ভিরোভাব

সেই রবিয়ল আউগলেরই চাঁদ এসেছে ফিরে  
ভেসে আবুল অশ্রুশীরে ॥  
আজ মদিনার গোলাপ-বাগে বাতাস বহে ধীরে  
ভেসে আবুল অশ্রুশীরে ॥

তপ্ত বুকে আজ সাহারার  
উঠেছে রে ঘোর হাফকার,  
মরুর দেশে এলো আঁধার-শোকের বাদল ঘিরে  
আকুল অশ্রুণীয়ে ॥

চবুতরায় বিলাপ করে কবুতরগুলি  
খোঁজে নবিজিরে।  
কাঁদিয়ে মেঘশাবক, কাঁদে বনের বুলবুলি  
গোরস্থান ঘিরে।  
মা ফতেমা লুটিয়ে পড়ে  
কাঁদে নবির বুকের পরে  
আজ দুনিয়া জাহান কাঁদে কর হানি শিরে  
আকুল অশ্রুণীয়ে ॥

হে মদিনার বুলবুলি গো  
গাইলে তুমি কোন গজল।  
মরুর বুক উঠল ফুটে  
জ্বয়ের রঙিন মোলাপ দল ॥

দুনিয়ার দেশ-বিদেশ থেকে  
গানের পাখি উঠল ফ্লেক,  
মুয়াজ্জিনের আজান ধ্বনি  
উঠল ভেদি গগনতল ॥

সাহারার দগ্ধ বুক রচলে তুমি গুলিস্তান  
সেখা আসহাব সব ভ্রমর হয়ে শাহাদতের গাইল গান।  
দোয়েল কোকিল দলে দলে  
আল্লা-রসূল উঠল বলে,  
আল-কোরআনের পাতার কোলে  
খোদার নামের বইল ঢল ॥

দীন দরিদ্র কাণ্ডল্লের গল্পে এই দুনিয়ায় আসি  
হে হজরত, বাদশাহ্ হুসৈ ছিলে তুমি উপবাসী ॥

তুমি চাহ নাই কেহ হইবে আমির, পথের করির কেহ  
কেহ মাথা গুঁজিবার পাইবে না ঠাই, কাছারও সোনার গেহ,  
ক্ষুধার অন্ন পাইবে না কেহ, কারও শত দাসদাসী ॥

আজ মানুষের ব্যথা অভাবের কথা ভাবিবার কেহ নাই  
থনী মুসলিম ভোগ ও বিলসে ডুবিলে আছে সদাই,  
তাই তোমারেই ডাকে যত মুসলিম গরিব শ্রমিক চারি ॥

বঞ্চিত মোরা হইয়াছি আজ তব রহমত হতে  
সাহেবি গিয়াছে, মোসাহেবি করি ফিরি দুনিয়ার পথে,  
আবার মানুষ হব করে তোমার মানুষেরে ভালোবাসি ॥

১১৫

১১৫

৫

আর পাঠও বেহেশত হতে, হজরত পুন সাম্যের বাণী,  
দেখিতে পারি না মানুষে মানুষে এই হীন হানাহানি ॥  
বলিয়া পাঠাও, হে হজরত  
যাহারা তোমার প্রিয় উম্মত,  
সকল মানুষে বাসে তারা ভালো বোদার সৃষ্টি জানি।  
সবারে খোদারই সৃষ্টি জানি ॥

আথেক পৃথিবী আনিল ঈমান যে উদারতা-গুণে  
তোমার যে উদারতা-গুণে,  
শিখিনি আমরা সে উদারতা, কেবলই গেলাম শুনে  
কোরানে হাদিসে কেবলই গেলাম শুনে।

১১৫

তোমার আদেশ অমান্য করে  
লাঞ্ছিত মোরা ত্রিভুবন ভরে,  
আতুর মানুষে হেলা করে বলি, তোমার খোদারে মানি ॥

৬

মোহাম্মদ নাম যতই জপি, ততই মধুর লাগে।  
নামে এত মধু থাকে, কে জানিত আসে॥

ওই নামেরই মধু চাহি  
মন-ভোমরা বেড়ায় গাহি  
আমার কুখ্য তুচ্ছ নাহি  
ওই নামের অনুরাগে॥

ও নাম প্রাণের প্রিয়ভূম  
ও নাম জপি মজনু-সম  
ওই নামে পাপিয়া গাহে  
প্রাণের কুসুম-বাগে॥

আমি ওই নামে মুসাম্মির রাহী  
তাই চাই না তখত শাহানশাহি  
নিত্য ও নাম য্যা ইলাহি  
যেন হৃদে জাগে॥

৭

মোহাম্মদ মোর নয়ন-মণি  
মোহাম্মদ নাম জপ-মালা।  
ওই নামে মিটাই পিপাসা  
ও নাম কণ্ঠসরের প্রিয়লা॥

মোহাম্মদ নাম শিরে ধরি,  
মোহাম্মদ নাম গলায় পরি,  
ওই নামেরই রক্ত-নিতে  
আঁখার এ মন রয় উজালা॥

আমার হৃদয়-মদিনাতে  
শুনি ও নাম-দিলে রাতে



ও নাম আমার তসবী হাতে

মন-মরুতে গুলে-লালা ॥

মোহাম্মদ মোর অফ্র চোখের

ব্যথার সাথি, শাস্তি শোকের,

চাই না বেহেশত, যদি ও নাম

জপতে সদাই পাই নিয়াল্লা ॥

৮

মোহাম্মদ নাম জপেছিলি বুলবুলি তুই আগে ।

তাই কি রে তোর কণ্ঠের গান এমন মধুর লাগে ॥

ওরে গোলাক ! নিম্নিবিলা

বুঝি নবির কদম ছুঁয়েছিলি,

তাই তাঁর কদমের খোশবু আজও তোর আতরে জাগে ।

মোর নবিরে লুকিয়ে দেখে

তাঁর পেশানীর জ্যোতি মেখে

ওরে ও চাঁদ, রাঙলি কি তুই গভীর অনুরাগে ॥

ওরে ভ্রমর, তুই কি প্রথম

চুমেছিলি নবির কদম,

আজও গুনগুনিয়ে সেই খুশি কি জানাস রে গুলবাগে ।

ইসলামি গান (দ্বিতীয়)

পু ॥ আমি মুসলিম যুবা, মোর হাতে বাঁধা

আলির জুলফিকার ।

স্ত্রী ॥ আমি মুসলিম নারী আলিয়া চেরাগ

বুচাই অঙ্ককার ॥

- পু॥ ঘরিয়া রাখিতে দীনের মিশাল  
আনন্দে করি জ্ঞান কোরকান,  
স্ত্রী॥ কত ছেলে মোর শহিদ হয়েছে মরুতে কারবালার।  
আমি মন্দিরী ফাঁতমার॥
- পু॥ যুরোপ এশিয়া আফ্রিকা ছুড়ে ছড়ানু খোদার বালী  
স্ত্রী॥ মোর একা গৃহ-মন্ডাতে আমি আনি জমজম-পানি।
- পু॥ আমি জিনিব পৃথিবী আছে মোর আশা  
স্ত্রী॥ আমি প্রাণে দিব তেজ, বৃকে ভালোবাসা  
উভয়ে॥ মুসলিম নর মুসলিম নারী দু-ধারী তলোয়ার॥

১০

এই সুন্দর ফুল সুন্দর ফল মিঠা নদীর পানি  
খোদা তোমার মেহেরবানি॥

শস্যশ্যামল ফসলভরা

মাঠের ডালিয়ারি  
খোদা তোমার মেহেরবানি॥

তুমি কতই দিলে রতন  
তাই বেরাদর পুত্র স্বজন,  
ক্ষুধা পেলেই অন্ন জোগাও  
মানি চাই না মানি॥

খোদা ! তোমার হুকুম তরক করি আমি প্রতি পায়,  
তবু আলো দিয়ে বাতাস দিয়ে বাঁচাও এ বন্দায়।  
শ্রেষ্ঠ নবি দিলে মোরে  
তরিয়ে নিতে রোজ-হুশারে,  
পথ না ভুলি তাই তো দিলে  
পাক কোরবান-বালী।  
খোদা তোমার মেহেরবানি॥

১১

খোদা এই গরিবের শোনো শোনাছাত ।  
 দিয়ে তুমি পেলে ঈশ্বর-পদ্মি,  
 ক্ষুধা পেলে লবণ-ভাত ॥

মাঠে শোনার ফসল দিয়ে  
 গৃহভরা বন্ধু প্রিয়,  
 আমার হৃদয়ভরা শান্তি দিয়ে  
 সেই তো আমার আবহাওয়াত ॥  
 আমায় দিয়ে কারও ক্ষতি  
 হয় না যেন দুনিয়ায় ।  
 আমি কারুর ভয় না করি,  
 মোরেও কেহ ভয় না পায় ।

যবে মসজিদে যাই তোমার টানে  
 যেন মন নাহি ধায় দুনিয়া পানে  
 আমি ঈদের চাঁদ দেখি যেন  
 আসলে দুখের আঁধার রাত ॥

১২

হে মদিনার নাইয়া !  
 ভব-নদীর তুফান ভারী  
 করো মোরে পার ।  
 তোমার দয়ায় তরে গেল লাখো গুনাহ্‌গার  
 করো করো পার ॥

পারের কড়ি নাই যে আমার হৃদয় নামাজ রোজা  
 আমি কূলে এসে বসে আছি নিশ্চয় পাপের ধোবা  
 ‘পার করো য্যা রসূল’ বলে কাঁদি জ্বরেজ্বর ॥

আমি তোমার নাম গেয়েছি শুধু কেঁদে সুবহশাম  
 আমি তরিবার মোর নাই তো পুঁজি বিলা তোমার নাম ।  
 আমি হাজারো বার দরিয়ান্তে ডুবে যদি মরি  
 ছাড়ব না মোর পারের আশা তোমার চরণ-তরি;  
 দেখো সবার শেষে পার যেন হয় এই কিসমতগার ॥

১৩

লায়লি তোমার এসেছে ফিরিয়া

মজনু গো আঁখি খোলো।

প্রিয়তম ! এতদিনে বিরহের

নিশি বুঝি ভোর হলো ॥

মজনু গো আঁখি খোলো

মজনু ! তোমার কাঁদন শুনিয়া মরু, নদী, পর্বতে

বন্দি নী আঁজ ভেঙেছে পিঙ্গর বাহির হয়েছে পথে।

আজি দখিনা বাতাস বহে অনুকূল,

ফুটেছে গোলাব নাগিস ফুল,

ওগো বুলবুল, ফুটন্ত সেই গুলবাগিচায় দোলো ॥

মজনু গো আঁখি খোলো

বনের হরিণ হরিলী কাঁদিয়া পথ দেখায়েছে মোরে,

হরি ও পরিয়া খুরিয়া খুরিয়া চাঁদের প্রদীপ ধরে

পথ দেখায়েছে মোরে।

আমার নয়নে নয়ন রাখিয়া

কী বলিতে চাও-হে পরান-প্রিয়া !

ডাকো নাম ধরে, ডাকো মোরে স্বামী

ভোলো অভিমান ভোলো ॥

মজনু গো আঁখি খোলো

১৪

লায়লি ! লায়লি ! তাকিয়ে রা ধ্যান

মজনুর এ মিনতি।

লায়লি কোথায় ? আমি শুধু দেখি

লা-এলার জ্যোতি ॥

পাথর ঝুঁজিয়া ফিলিয়াছি প্রিয়া

প্রেম-দরিয়ার কূলে,

খোদার প্রেমের পরশ-মানিক

পেলাশ কক্ষ ভুলে।

সে মানিক যদি দেখ একবার  
মজ্ঞনুরে তুমি চাহিবে না আর,  
জুলেখা ইয়সুফ লাজ্জ মানে হেরি  
তাহার খুবসুরতি ॥

মজ্ঞনুরে যে লায়লি তোলায়  
সে যে কত সুন্দর  
বুঝিবে লায়লি যদি তুমি তারে  
নেহার এক নজর  
সাধ মিটিয়েনা হেথা ভালোবেসে  
চল চল প্রিয়া না এলা'র দেশে  
নিত্য মিলনে ভুলিব আমরা  
এই বিরহের জ্বাতি ॥

১৫

কোন রস-যমুনার কুলে বেশু-কুঞ্জে  
হে কিশোর বেণুকা বাজ্ঞাও।  
মোর অনুরাগ যায় যেথা, তনু যেতে নারে,  
তুমি সেই ব্রজের পথ দেখাও ॥

মোর অঙ্ক আঁখি কাঁদে চাঁদের তৃষ্ণায়  
তব পানে চেয়ে রাত কেটে যায়।  
ঐধু এই ভিখারিনি সেই মাধুকরী চায়  
মধুবনে, গোপীগণে যে মধু দাওয়া ॥

শ্রেমহীন নীরস জীবন লয়ে,  
পথে পথে ফিরি বৈরাগিনী হয়ে—  
বুঝি আমি চাই তাই তব প্রেম নাহি পাই,  
কৃপা করো শ্রেমহয়, তুমি ঘোরে নাও ॥

১৬

সাঁওতালি রান

হলুদ গাঁদার ফুল, রাজা লজ্জাশ ফুল।  
এনে দে, এনে দে, নইলে বাঁধব না বাঁধব না ফুল।

কুসমি রঙ শাড়ি, চুড়ি বেলোয়ানি।  
 কিনে দে হাট থেকে, এনে দে মাঠ থেকে,  
 বাবলা ফুল, ফুলের ফুলে ॥  
 নৈলে বাঁধবনা, বাঁধনা চুল।

তিরকুট পাহাড়ে শালবনের ধারে  
 বসবে মেলা আজি বিকালবেলায়।  
 দলে দলে পথে চলে সকাল হতে  
 সাঁওতাল সাঁওতালনি নুপুর বেঁধে পায়  
 যেতে দে ওই পথে বাঁশি শুনে শুনে পরান বাড়ল ॥  
 নৈলে বাঁধবনা, বাঁধনা চুল ॥

মহুয়া-কুঁড়ির মালা গেঁথেছি নিরুলা তুহার তরে,  
 মনের আদর মেখে পিয়াল পাতা ঢেকে রেখেছি ঘরে।  
 পলার মালা নাই,  
 কী যে করি ছাই,  
 গাঁথব মালা রে, এনে দে, এনে দে রে শিয়াকুল ॥  
 নৈলে বাঁধবনা, বাঁধনা চুল ॥

১৭

ওগো প্রিয়তম ! এত প্রেম দিয়ে না গে, সহিতে পারি না আর।  
 তটিনীর বুকে বাঁপায়ে পড়িলে কেন মহা-পারস্যর ?  
 তোমার প্রেমের বন্যায় বঁধু হয় !  
 দুই কূল মোর ভাঙিয়া ভাসিয়া যায়,  
 আমি নিজে হারাতে চাহিনি বন্ধু  
 দিতে চেয়েছি হার ॥

তুমি চাহ বন্ধু তুমি ছাড়া আর রহিবে না মোর কেউ,  
 তাই কি পরানে তুফান তোল গো, এত রোদনের ডেউ ?  
 দেহ ও মনের সীমা ছাড়াইয়া মোরে,  
 কোথা নিয়ে যেতে চাও মোর হৃদয় ধরে ?  
 বলো, কোন মধুবনে শেষ হবে বঁধু আমাদের অভিযাত্রা ?

১৮০

আগুন জ্বালাতে আসিনি গো আমি  
এসেছি দেয়ালি জ্বালাতে।  
শুধু চন্দন হয়ে আসিনি,  
এসেছি চন্দন হতে থালাতে।

ধরায় আবার আসিয়াছি প্রিয়া  
তব মুখখানি দেখিব বলিয়া,  
তাই প্রদীপ হইয়া নীরবে পুড়ি গো  
তোমার বরণডালহুত ॥

তব মিলন-বাসরে ঘুম ভাঙাইতে আসিনি  
তুমি কেন লাজে ওঠ আকুলি?  
তব রাঙা মুখখানি রাঙাইয়া যাব চলে গো  
আমি স্নেহের কলিক গোধলি ॥

নব মেঘচন্দনে ঢাকি অঙ্গজ্যোতি,  
প্রিয় হয়ে দেখা দাও ত্রিভুবনপতি  
পার্বতী নহি আমি, আমি শ্রীমতী,  
বিষণ ফেলিয়া হও বাঁশরিধারী॥

২০

মৃতের দেশে নেমে এল মৃত্যুমের গঙ্গাবারা।

আয় রে নেয়ে শুদ্ধ হবি অনুতাপে মলিন যারমা

আয় আশাহীন ভাগ্যহত,

শক্তিবিহীন অনুন্নত,

আয় রে সবাই আয়

আয় এই অমৃতে উঠবি বেঁচে জীবন্ত সর্বহারা॥

ওরে এই শক্তির গঙ্গাস্রোতে, অনেক আগে এই সে দেশে

মৃত সগর-বংশ বেঁচে উঠেছিল এক নিমেষে।

এই গঙ্গাতীর পরশ লেগে

মহাভারত উঠল জেগে,

এই পুণ্য স্রোতেই ভেঙেছিল দেশ-বিদেশের লক্ষ কারা॥

২১

জয় বিবেকানন্দ বীর সন্ন্যাসী চীর গৌরীধারী।

জয় তরুণ যোগী, শ্রীরামকৃষ্ণ-বৃত্ত-সহায়কারী॥

যজ্ঞাহতির হোমশিখা সম,

তুমি তেজস্বী তাপস পরম

ভারত-অবিন্দম নমো নমো

বিশ্ব ঋচ-বিহারী॥

মদ-গর্বিত বলদপীর দেশে মহাভারতের বানী

শুনায় বিজয়ী, ঘুচাইলে স্বদেশের অপযশ গ্লানি।

নব ভারতে আনিলে তুমি নব বেদ,

মুছে দিলে জাতি ধর্মের ভেদ

জীবে ঈশ্বরে ক্ষুদ্রের অস্তিত্ব

জানাইলে হুকারি॥